

समे .1815

Headlines

1. प्रधानमंत्री नरेन्द्र मोदी होरें स्वामित्व योजना दे तैहत् अज्ज 65 लक्ख संपत्ति कार्ड बंड्डे। जम्मू-कश्मीर च बी लाभार्थिएं गी एह ई-कार्ड हासल होए न।
2. जम्मू-कश्मीर सरकार दे मंत्रिमंडल दी ब'रे 2025 दी पैहली बैठक जम्मू सिविल सैक्रेटेरिएट च औंदी 20 तरीक गी लोआई जाह्ग। मेंहगाई भत्ता, आबकारी नीति, जीएसटी कानून च संशोधन ज्नेय मामले बैठक दे मुख एजेंडे च शामिल न।
3. मुख सचिव होरें औंदे गणतंत्र दिवस समारोहें लेई तैयारिएं गी अज्ज मुक्कदा रूप दित्ता।
4. ट्रांसपोर्ट कमिशनर होरें खित्ते च ई-रिक्शें दा कराया हर इक किलोमीटर लेई 10 रपे मुक्कर कीता ऐ ते आखेआ ऐ जे होरनें ऑटो-रिक्शें लेई मीटरि स्हाबै चलना लाजमी ऐ।
5. प्रधानमंत्री नरेन्द्र मोदी होर कल आकाशवाणी पर अपने मन की बात कार्यक्रम राहें देश-विदेश दे लोकें कन्नै विचार सांझे करडन।

<><><><><><>

PM-Svamitva

प्रधानमंत्री नरेन्द्र मोदी होरें अज्ज स्वामित्व योजना दे तैहत् संपत्तिएं दे मालिकें गी 65 लक्ख कोला मते संपत्ति कार्ड वीडियो कांफ्रेंसिंग राए बंडे। संपत्ति कार्ड 10एं राज्यें ते जम्मू कश्मीर सनें दऊं केन्द्र शासित प्रदेशें दे 50 ज्हार कोला मते ग्राएं च बंडे गे न। प्रधानमंत्री होरें अज्जै दे दिने गी ग्रामीण अर्थबवस्था लेई ऐतिहासक करार दित्ता ते आखेआ जे इस योजना कन्नै ग्रामीण इलाकें च संपत्तिएं दे मालिकें गी अपने हकूकें दा लेखा जोखा थ्होग। इस मौके पर बोलदे होई प्रधानमंत्री होरें आखेआ.

<><><><><><>

Svamitva Reasi(byte)

रियासी जिले च अज्ज स्वामित्व योजना दे तैहत् लाभार्थिएं गी 200 संपत्ति कार्ड बंडे गे। ध्यानजोग ऐ जे स्वामित्व योजना दा शुभारंभ अज्ज प्रधानमंत्री नरेन्द्र मोदी होरें वर्चुअल ढंगै कन्नै कीता। स्वामित्व योजना च ड्रोन

तकनालोजी दा उपयोग करियै ग्रामीण इलाकें च जिमीं दी नशानदेही कीती जंदी ऐ। रियासी च होए दे इस समारोह दरान रियासी दे डिप्टी कमीशनर निधि मलिक होरें ते जिला विकास कौंसिल दे प्रधान सराफ सिंह होर मजूद हे। इस मौके पर बोलदे होई सराफ सिंह होरें आखेआ

तोआई सांबा जिले च बी स्वामीत्व योजना दे तैहत लाभार्थिएं गी संपत्ति कार्ड बंडे गे। इस मौके पर मजूद इक लाभार्थी चरींदर कुमार बीप, धानमंत्री नरेन्द्र मोदी हुंदे कन्नै गल्लबात करने दा मौका थोआ।

<><><><><><>

JK Cabinet Meet

जम्मू-कश्मीर च मुख्यमंत्री ओमर अब्दुल्ला हुंदी अगुवाई आहली सरकार दे मंत्रिमंडल दी ब'रे 2025 दी पैहली बैठक जम्मू आहले सिविल सैक्रेटेरिएट च औंदी 20 जनवरी गी लोआई जाहग। मुख्यमंत्री ओमर अब्दुल्ला होर इस बैठक दी प्रधानता करडन ते इस मौके पर खजाना, सेहत ते शिक्षा विभागें कन्नै जुड़े दे महत्वपूर्ण मामलें पर सोच-विचार कीता जाहग। बैठक दे एजेंडे आहले मुख्य मामलें च सरकारी मुलाजमें ते पैशनरें लेई मैहगाई भत्ते दी नजरसानी, दंदें दे अस्पतालें च त्रै-स्तरें पर शैक्षणिक अमले दे ढांचे दी अमल-आवरी ते झेहलम ते बाणगंगा नदिएं दे रक्ख-रखाऽ सरबंधी परियोजनां शामिल न। एहदे अलावा जीएसटी कानून च संशोधन, आबकारी नीति 2025 ते भर्ती प्रक्रिया गी चुस्त-दुरुस्त बनाने दे कन्नो-कन्नी प्रशासन ते लोकें दे कल्याण आहले मामलें पर बी इस मौके चर्चा कीती जाहग।

<><><><><><>

CS-Rday Prep

मुख्य सचिव अटल डुल्लु होरें जम्मू-कश्मीर च औंदे गणतंत्र दिवस दिए तैयारिएं गी मुक्कदा रूप देने लेई अज्ज सिविल प्रशासन ते पुलसा दे ऐहलकारें दी इक बैठक लाई। इस मौके पर उनें जम्मू ते श्रीनगर च कीती जा'रदी तैयारिएं दी समीक्षा कीती ते गणतंत्र दिवस समारोहें च हिस्सा लैने आहले प्रतिभागिएं, खासतौरा पर स्कूली बच्चें लेई ट्रांसपोर्ट, बौहने-खड़ोने ते चाह-पानी दी जरूरतें गी पूरा करने पर टकोहदा जोर दित्ता। मुख्य सचिव होरें सांस्कृतिक कार्यक्रमें च दिव्यांग बच्चें गी शामिल करने दे निर्देश जारी कीते ते मुंसिपल इदारें गी आखेआ जे ओह परेड आहलिएं थाहरें दे आले-दोआले साफ-सफाई दी बवस्था जकीनी बनान।

<><><><><><>

Announcement (Must Carry)

आकाशवाणी जम्मू दे क्षेत्रीय समाचार एकांश आसेआ कठुआ जिले लेई अंशकालिक संवाददाता लेई दरखास्तां मंगियां गेइयां न। इच्छुक आवेदक, जेहदी उम्र 24 थवां 50एं बरें दे बश्कार ऐ, ते ओह कठुआ जिले दा रौहने आह्ला ऐ, इस लेई आवेदन करी सकदा ऐ। मेदवार कश पत्रकारिता च पी.जी डिप्लोमा, डिग्री या कुसै बी पंजीकृत यूनिवर्सिटी थवां ग्रैजुएशन ते पत्रकारिता च द'ऊं बरें दा तजुर्बा होना लोड़चदा ऐ। मेदवार गी कम्प्यूटर पर खबर बनाने ते मीडिया कवरेज दे अनुभव सने सरबंघत लोड़चदे उपकरणें वगैरा दा इस्तेमाल बी करना औना चाईदा। आवेदक जिला सदर दफ्तर दी 10 किलोमीटर दी हद्द दे अंदर रौहदा होना चाईदा ऐ। दरखास्त ते लोड़चदे दस्तावेजें दी कॉपी, मेदवार गी क्षेत्रीय समाचार एकांश आकाशवाणी पंजतीर्थी जम्मू, पिन कोड 180001 पर 15 फरवरी 2025 थवां पैहले-पैहले आइयै दस्ती जमा करोआनी होग। इस बारै व्यापक जानकारी आकाशवाणी दी वेबसाइट www.newsonair.gov.in पर उपलब्ध ऐ।

<><><><><><>

Transport Commissioner (byte)

ट्रांसपोर्ट मैहकमे दे कमिशनर विशेष पाल महाजन होरें आखेआ ऐ जे सिड़क सुरक्षा जकीनी बनाना, सब्बनें डरैवरें दी पैहली जिम्मेदारी ऐ ते बिजन परमट दे चलने आहले जां जात्तरिएं कोला मते पैसे वसूल करने आहले डरैवरें खलाफ पक्क गै सख्त कार्रवाई कीती जाहग। ट्रांसपोर्ट कमिशनर होरें खित्ते च इलैक्ट्रिक ऑटो-रिक्शें दे करायें गी लेइयै अज्ज बड़डा ऐलान कीता। उनें आखेआ

<><><><><><>

PM Mann Ki Baat

प्रधानमंत्री नरेंद्र मोदी होर अपने माहवार रेडियो कार्यक्रम 'मन की बात' दे राएं कल 19 जनवरी गी अपने विचार, देश-विदेश च रौहने आहले श्रोताएं कन्नै सांझे करडन। उ'आं ते एह प्रोग्राम म्हीने दे अखीरले ऐतवारें दिनै 11 बजे प्रसारित होंदा ऐ पर ऐकती खीरी ऐतवार 26 जनवरी होने करी, एहदा प्रसारण इक हफ्ता पैहले कीता जा'रदा ऐ। एह इस कार्यक्रम दी 118मीं किश्त होग। एहदा प्रसारण आकाशवाणी ते दूरदर्शन दे समूलचे नेटवर्क उप्पर कीता जाहग। एहदे अलावा प्रधानमंत्री हुंदे दफ्तर, सूचना ते प्रसारण मंत्रालय ते आकाशवाणी ते दूरदर्शन दे यूट्यूब चैनलें पर बी एहदा लाईव प्रसारण होग। आकाशवाणी पर एहदे हिंदी प्रसारण दे तुरत मगरा इलाकाई भाषाएं च एहदा अनुवाद बी प्रसारित कीता जाहग।

<><><><><><>

Bamboos Udhampur

ग्रामीण शिल्पकारें गी सशक्त बनाने आस्तै कीती गेदी इक पैह्लकदमी तैहत बांस कन्नै बनने आले उत्पादें गी बनाने आले कारगिरें लेई कंपोसाईट स्किल डवैलपमेंट बंबू क्राफ्ट सेंटर उधमपुर जिले च उंदे लेई उन्नत तकनीकें ते डिजाइनें गी उपलब्ध कराइयै उनेंगी प्रशिक्षित करा करदा ऐ।

<><><><><><>

Army Dadhkai (byte)

भारती फौज नै आम लोकें तगर पुज्ज बनाने दी अपनी पैह्लकदमी दे तैहत डोडा जिले च भारत दे मूक ग्रां दे तौर पर जाने आहले ढडकाई ग्रां दे दिव्यांग बसनीकें लेई इक कार्यक्रम दा आयोजन कीता। इस मौके पर इ'नें दिव्यांग लोकें गी सुनी सकने च सखाल आहले उपकरण ते मशीनां, व्हीलचेयरां, सिलाई मशीनां, सूरज दी तपश कन्नै चलने आहलियां लाईटां ते चली सकने च मदद करने आहलियां बैटरी कन्नै लैस सोटिटयां बंडिडयां गेइयां। फौज दी इस पैह्लकदमी दा मकसद उत्थुं दे मुकामी लोकें दे जीवन स्तरै गी उबड़ा चुक्कना ते उनें'गी सशक्त बनाना ऐ तांजे उंदा जीवन सुविधाजनक बनी सकै। एह पैह्लकदमी समुदायें दे कल्याण लेई फौज दी वचनबद्धता गी दर्शादी ऐ। इस मौके पर बोलदे होई साबका बीडीसी अध्यक्ष मोहम्मद हनीफ दीदार होरें आखेआ

<><><><><><>

Weather/Highway

मौसम विभाग नै औंदी 20 ते 21 जनवरी गी प्रदेश दिएं टांमी टांमी थाहरें पर हौली बरखा बरने जां बर्फबारी दे असार दस्से न। मौसम विभाग मूजब 22 ते 23 जनवरी गी जम्मू संभाग दे पदरें इलाकें च हौली थमां दरम्याने दर्जे दी बरखा बरी सकदी ऐ ते केई उच्चे पहाड़ी इलाकें च बर्फबारी दी बी मेद ऐ। तोआई जम्मू-श्रीनगर राष्ट्री जरनैली शिडक एनएच-44 पर गड्डिएं दी आओजाई दौने बक्खी दा बवस्था आहले ढंगै'नै जारी ऐ। ऊआं लोकें गी एह सलाह दिती गेई ऐ जे ओह अपनी अपनी लेन च पूरे अनुशासन कन्नै गड्डी चलान ते दिनै दे बेल्ले गै सफर करन। तोआई राजौरी ते पुंछ जिलें गी कश्मीर घाटी दे शोपियां जिले कन्नै जोड़ने आहली ऐतिहासक मुगल रोड केई थाहरें पर भारी बर्फ किट्टी होने करी अजें बी गड्डिएं दी आओजाई लेई बंद ऐ।

<><><><><><>

